



Кондак 1.

Избранной в предвечном Совете Богоотроковице Марии, послужити велию таинству боговоплощения, сияющей девственной чистотою паче высших небесных чистоты, благоговейные пения принесем Тебе, Богородице, о всерадостном от Архангела благовещении Твоем. Ты же, яко обрадованная и радость падшим людям подати могущая, избави нас от всяких бед и греховных печали, и возведи нас к небесной радости, да с Гавриилом вопием Тебе:

Радуйся, Благодатная, Господь с Тобою.

Икос 1.

Архангел Гавриил предстоит Престолу Божию вину зрит неприступную Божественную Славу, егда же придет время избавления человеков, прия повеление Господне: Буди служитель страшному чудеси и таинству сокровенному: милосердием Моим подвигся ко взисканию заблуждшаго Адама, снити тщуся. Гряди убо во град Назарет, в немже отроковица Мария обитает, да прелюбезную красоту девства узриши. Гряди к сему одушевленному Божию Кивоту, ко второму Небеси на земли сущему. Иди к Сей Обители Воплощения Моего и возвести нетленное Моё от Нея пришествие. Блуди же, да не смутитиши и да не устрашиши душу Девы, да в радости будет, а не в печали благовестие твоё. Сего ради приступи к Ней кратко и первый глас твой радость Ей да принесет, и да возопиеш Ей сице:

Радуйся, Благодатная, Еюже радость возсияет; радуйся, Обрадованная, Еюже клятва исчезнет.

Радуйся, Благословенная, Еюже вся тварь обновляется; радуйся, Препрославленная, Еюже весь мир спасается.

Радуйся, Богоизбранная Отроковице, падшаго Адама воззвание; радуйся, Пренепорочная Дево, слез Евиных избавление.

Радуйся, Благодатная, Господь с Тобою.

Кондак 2.

Видев Архангел Гавриил, яко Человеколюбец Господь умилосердися, гиблемый зря род человек, удивися зело, како Бог, Егоже небеса вместити не могут, в девичестей хощет вместитися утробе, како не опалит ю огнь Божества, како Бог, на Негоже Херувими и Серафими возрети не смеют, хощет во образе раба явитися на земле, да с человеки поживет. Сему неизреченному таинству чудящися со страхом возопи Богу: Аллилуиа.

Икос 2.

Разум неуразумеваемый страшнаго таинства открывая, рече Владыка Ангелов ко Архистратигу: что смущаешься, Гаврииле, о новости вещи? Аще не опали огнь купину в пустыне горевшую и не сгоравшую, не опалит всячески утробу Девичу Огнь Божества Моего, но паче оросит ю и освятит благодать Моя. Идеже бо хощет Бог, побеждаются естества уставы. Гавриил же, сия слышав, радости исполнися Божественныя, и отыде в Назарет, исполняя повеление Господне, помышляюще в себе, како внидет к Отроковице и како возвестит Ей таинство чудесное, во еже не смутити Ея девический помысл, и рече к себе: возвещу убо Ей первее радость, и целую воспою глас таковый:

Радуйся, Радосте всему миру, Тебе бо Единой подобает радоватися; радуйся, Сладосте Ангелов, от Тебе Единой благоволи Господь воплотитися.

Радуйся, Неувядаемый Цвете чистоты, Ты бо небесное благоухание всему миру явила еси; радуйся, белоснежный крине девства, Ты бо райское девство на земли насадила еси.

Радуйся, Сокровище паче всего дражайшее, Твоя бо доброты возжела Царь Небесный; радуйся, Утро всему миру светлейшее, Твоим бо светом разгонится мрак греховный.

Радуйся, Благодатная, Господь с Тобою.

Кондак 3.

Силою Божественною укрепляемый слетё с небесных высот великий Архангел и в Назарет град прииде, и обрете Святую Деву во внутреннем чертоге Своём не о житейских пекущуюся, но в молитве и чтении книжном Пребывающую. Та бо разгнув книгу Исаии пророка, читаше словеса его: “Се Дева во чреве приимет и родит Сына и нарекут имя Ему Еммануил”. И распалышися серафимскою любовию не точию к Имущему скоро приити Христу, но и к Девнице оной, Яже имать родити Того, и размышляше коль неизреченно есть таинство сие и коль велико есть достоинство Девыцы Той, и моляшися, о еже увидети Ю, и аще возможно, последнею Ей быти рабынею Той, да с радостию воспоем Богу: Аллилуиа.

Икос 3.

Имуще страх велий и благоговение к Богоотроковице, Юже Бог избра быти Владычицею неба и земли, великий Архангел приближися ко внутренним дверем чертога Той, и се абие внезапно предста Препоблагословенней с кротостию великою, предста Пренепорочней небесный Вестник, да радость всему миру благовестит, предста безплотный Чистой Деве, да безчестие женское в честь преложит, и между Создателем и созданием уневещение да сотворит, и светлым гласом абие глагола Неискусобрачней:

Радуйся, Благодатная, ликуй ныне и веселися, яко Господь с Тобою; радуйся, Благословенная, слыши ныне и приклони ухо Твое, яко возжелá Царь доброты Твоея.

Радуйся, Обрадованная, яко благословенна Ты в женах; радуйся, Препрославленная, яко велиа слава Твоя на небесех.

Радуйся, Богоизбранная Отроковице, яко спасется Тобою от прелести весь род человеческий; радуйся, преизящная Девнице, яко возвеселится о Тебе весь превысочайший собор Ангельский.

Радуйся, Благодатная, Господь с Тобою.

Конда́к 4.

Бу́рю вну́три иму́щи помышлѣний сумнѣтельных, смяте́ся Пресвята́я Де́ва, таково́е небѣсное благове́стие услышавше, помысливше же в себѣ, каково́ бу́дет целова́ние сие́, рече́ ко Арха́нгелу: Е́ва, прамате́рь Моя́, приѣмши ра́зум зми́ин, лишѣся пи́щи Божѣственныя и изгна́на бы́сть из ра́я, те́мже и А́з бою́ся целова́ния страна́го твоего́, стыдя́щися поползнове́ния. Сего́ ра́ди отступи́ от дверѣй Мои́х, и не веща́й глаго́лов, их же собы́тия ника́коже мо́жеша показати, да не обольще́на бу́ду, что́ ум мо́й и ду́шу смуща́еши... А́з же в тишинѣ ду́ха Моего́ воспевати́ бу́ду: Аллилу́иа.

И́кос 4.

Слы́ша Арха́нгел смире́нных глаго́л Пресвяты́я Де́вы высоту́, рече́ к Не́й: Что́ мене́ бойши́ся, Всенепоро́чная, па́че Тебе́ боя́щагося? Что́ мене́ благоговѣеши, Влады́чице, Тебе́ че́стно благоговѣ́ющему? Не удиви́яйся страна́ному моему́ зра́ку, не ужа́са́йся, Арха́нгел бо е́смь. Зми́й прельсти́ Еву́ иногда́, а́з же Бо́жий предста́тель по́слан е́смь Божѣственный Со́вет Предвѣ́чный пове́дати Тебе́. Не бой́ся, Мари́ам, обре́ла бо еси́ благода́ть у́ Бо́га безме́рный ра́ди де́вственныя чистоты́ Твое́я. Сего́ ра́ди зачне́ши во чре́ве и роди́ши Сы́на и нарече́ши И́мя Ему́ Иису́с. Се́й бу́дет Ве́лий и Сы́н Вы́шняго нарече́тся. И да́ст Ему́ Госпо́дь Бо́г престо́л Дави́да отца́ Его́ и воца́рится в до́му Иа́ковли во ве́ки и Ца́рствию Его́ не бу́дет конца́. Благовествующе́ же сие́ ве́лие благоче́стия та́инство, со стра́хом вопи́ю Тебе́ си́цевая:

Ра́дуйся, звездó незаходи́мая, вводя́щая в ми́р Вели́кое Со́лнце Христа́; ра́дуйся, зарé присносия́ющая, явля́ющая челове́ком всего́ ми́ра Творца́.

Ра́дуйся, па́че у́тра светле́йшая, все́м во тьме́ греха́ сидя́щим све́т благода́ти облиста́ющая; ра́дуйся, па́че злата́ дражай́шая, все́м неве́дущим Бо́га сокро́вище ве́ры показу́ющая.

Ра́дуйся, Лѣствице́ Небѣ́сная, Е́юже Бо́г нисхо́дит с небѣ́с; ра́дуйся, мо́сте к небесе́м приводя́й, И́мже ми́р исполня́ется чуде́с.

Ра́дуйся, Благода́тная, Госпо́дь с Тобо́ю.

Кондак 5.

Богодухновенныя глаголы Архангеловы слышавше, Пресвятая Дева смутися паче бывшаго, зане тии Рождество Ей возвещашу. Сего ради рече ко Архистратигу: Глаголи Мне явственнейше, како зачну, Дева сущи отроковица браку непричастная. Како будет сие, идеже мужа не знаю? Како убо глаголеши, яко рожду, боюся еда леств глаголеши? Сия рече не неверия ради, но яко не веде, како может родити, естества законы превосшедши. Сего ради рече ко Ангелу: скажи Ми образ рождения, во еже не повредитися девству Моему, и тогда обрящещи сердце Моё к Божию изволению готовое, да с радостию воспою Богу: Аллилуиа.

Икос 5.

Видев Архангел величие веры Пречистыя, рече к Ней: Глаголы, яже мне вещашеши, обычаесть рождества человеков смертных, законам же естества не работает Иисус, Содетель естества, Отроковице. Ты ищещи увидети от мене образ зачатия Твоего, но той несказанен есть: Дух Святыи найдет на Тя и Сила Вышняго осенит Тя, темже и раждаемое Свято наречется Сын Божий. От Того во чреве примешь и Той совершит в Тебе неведомое зачатие, о Пресвятая Дево. Сего ради прославляю Тя сице:

Радуйся, Духа Пресвятаго Невесто Богоизбранная и преднареченная; радуйся, Бога Отца Дщерь прелюбимая и превожделенная.

Радуйся, свитче Божественный, в немже перстом Отчим написуется в Тебе Божие Слово; радуйся, златый светильниче, Имже Огнь Божества возсияет всему миру.

Радуйся, глубино неисчерпаемая, неудобозримая и Ангельскими очима; радуйся, высото неизглаголанная, неудобовосходима человеческими помысли.

Радуйся, Благодатная, Господь с Тобою.

Кондак 6.

Проповѣдника Божественнаго и Вѣстника небѣснаго ты вѣрую бѣти, рече Пресвятая Дѣва ко Ангелу: вижду бо ты ангельскою облистѣема свѣтлостію, обаче стыждѹся скоро вѣровати словесѣм Твоим, не увѣдѣше первее со всякою извѣстностію. Слышах бо Священную некую Дѣву Еммануила раждающую, пророком древле предреченную. Сего ради хошѹ разумѣти, како естество человеческое претѣрпит Божества растворѣние, да познаю таинства силу и с вѣрою воспойю Бѣгу: Аллилуиа.

Икос 6.

Возсиявает ныне, Пречистая, Тобою всему міру велие Таинство воплощѣния Бѣжия, — рече Архангел к Богородице, — Ты бо еси Она́я Свята́я Дѣва, о Нѣйже предрече Иса́ия. Ты еси Дверь Божества, чистотою запечатлѣнная и дѣвством хранимая, Юже Иезекииль предвиде. Господь прѣидет Тобою, якоже солнечная луча стекло или кристалл прохѣдит, просвѣщающа и освящающа Ты Божественную Славою, во еже бѣти Тебѣ истинною Материю Бѣжией, раждающей Совершеннаго Бѣга и Совершеннаго человека, и Дѣвою Нетлѣнною, якоже прѣжде Рождества, такожде в Рождествѣ и по Рождествѣ Твоѣм, родиши бо Сына, Соблюдающа Твое дѣвство неврежденно. Сего ради, прославляюще величїе тайны Твоея, вопию Тебѣ сице:

Радуйся, Купино Неопалимая, Юже не опалит огнь Божества, Моисеем Предзримая; радуйся, двѣре затворенная, Ёуже прѣидет Бѣг, Иезекиилем предреченная.

Радуйся, Скиние предивная, Яже Невместимаго Бѣга не тѣсно вместит, Авраамом прообразованная; радуйся, рунѣ орошенное, на Негоже Владыка яко капля дождевная тихо снїдет, Гедеоном предвещанное.

Радуйся, землѣ ненасѣянная, Слово Небѣсное, яко пшеницу плодоносную, чисто прозябающая; радуйся, ниво неоранная, Сына Бѣжия, яко клас Божественный, яве произрастающая.

Радуйся, Благодатная, Господь с Тобою.

Кондак 7.

Хотящи веровати страшной тайне Архангелом возвещенной, Пресвятая Дева обаче смутися промышляючи высоты сия величество, и вся стыдящися, глаголаше: Рцы Ми, Гаврииле, истиннейшая, како нетленной бывши чистоте Моей, рожду с плотию Безплотного? чудеса всегда быша множицею Божественною силою чудодействуема, дева же неискусому же никогдаже роди. Сего ради како может всеми невместимый и всеми невидимый во чрево девичие вселитися, еже Сам созда? Рцы Ми сия, да с верою воспою Богу: Аллилуиа.

Икос 7.

Нова и страшна и чудна Твоя тайнства, рече Ангел Богородице, и новую тварь показа Тобою всех Творец Господь, Ты бо Единая Царя Воплощаемая приимеши во утробе, да Ты Единая Мати Сына Божия пронаречешися, Чистая. Сего ради не дивися чудеси и да не сумнишися: “Бог, идеже хощет, побеждается естества чин”, вся бо возможна суть Всемогущему. И якоже от ребр Адамовых создана бысть Ева без матери древним Богозданием, тако и ныне от Твоего девства воплощается без отца всех Господь. И да уверит Тя жезл Ааронов невлажно прозябший и руну Гедеоново, зане, яко росу, зачатие приимеши, Нетленная Дева сущи. Такожде и купина во огне неопально пребывшая да возвестит Ти, яко приимеши огонь, Божества, Приснодева, и по Рождестве пребудеши Чистая. Сего ради приими целование мое, да вси племена земная с радостию воспоют Тебе:

Радуйся, жезле Ааронов, нетление всему миру прозябший; радуйся, финикс Давидов, безсмертие падшим людем процветший.

Радуйся, Скинии Небесная, от Херувимов осеняемая и убажяемая; радуйся, Святая Святых Большая, от Серафимов почитаемая и приснославимая.

Радуйся, Чаше Безсмертного Царя, в Нейже растворяется от Святого Духа всемирная радость; радуйся, Станно Божественных манн, от Нейже верным уготовляется неизреченная сладость.

Радуйся, Благодатная, Господь с Тобою.

Конда́к 8.

Стра́ннаго Рожде́ства сегó вели́чество смуща́ет Мя́, — рече́ Пресвята́я Де́ва ко А́нгелу, — понёже Всеблагóй благоволи́ па́че ума́ вселит́ся в Мя́, да хра́м чи́ст душе́ю и плóтию соблюде́н бу́ду Е́му, глас ра́дования глаго́л твои́х прие́мши, весели́я Божества́ исполня́ются, да упразднит́ся ны́не Мнóю дрéвнее Ё́вино осужде́ние и да возда́ется Мнóю днёсь до́лг челове́ков, да вси́ Свётлому Благовещению́ сему́ раду́ющесея, благодарственнó воспóют Бо́гу: Аллилу́иа.

И́кос 8.

Вся́ тва́рь ны́не о Тебе́ раду́ется, Благодáтная, А́нгельский Собóр и челове́ческий рóд, — рече́ Арха́нгел, — я́ко даде́ся Тебе́ ра́дость Божества́нная и я́ко вся́кое обетова́ние Бо́жие Тобóю ны́не прие́млет коне́ц: Тобóю днёсь благослови́ся Авраа́м о семе́ни своём. Тобóю ны́не свободи́ся Ё́ва от дрéвния печáли. Тобóю лику́ет Ада́м, я́ко днёсь исполня́ется пёрвое благовести́е па́дшим лю́дем: семе́я Жены́ сотре́т главу́ зми́я. Тобóю вся́ тва́рь ны́не начина́ет свобожда́тися от ра́бства тлени́ю в свобо́ду сла́вы ча́д Бо́жиих. Тобóю ны́не подаде́ся все́му рóду челове́ческому вся́кая ра́дость и весели́е вéчное, да вси́ во ве́ки восхва́лят Тя́ си́це:

Ра́дуйся, Обра́дованная Де́во, от дрéвних патриа́рхов прообра́зованная; ра́дуйся, Свята́я Богоневéсто, все́ми проро́ки дрéвле предвозвещéнная.

Ра́дуйся, Вертогра́де заключённый, в Него́же Ца́рь Небе́сный возжелá вни́ти; ра́дуйся, Кла́дезю запечатлённый, от Него́же никто́же возмо́жет испи́ти.

Ра́дуйся, Са́де Божества́нный, в Нёмже от все́х цвето́в Свята́го Ду́ха райское благоухáние во все́й ми́р изнесёся; ра́дуйся, Раю́ новонасаждённый, в Нёмже Божества́нное дрéво жи́зни посреде́ Тебе́ к прозябени́ю угото́вися.

Ра́дуйся, Благодáтная, Госпо́дь с Тобóю.

Конда́к 9.

Всякое естество́ А́нгельское удиви́ся ны́не о Тебе́, Пречи́стая, слы́шаще дивное Твое́ со Арха́нгелом Гаври́илом собесéдование и наипа́че моле́ние Твое́ сиé: “Ду́шу очисти́, Те́ло освяти́, Це́рковь сотвори́ Мя́ вместительну́ Бо́жию и Ски́нию богоукраше́ну, да найтнем Пресвята́го Ду́ха сотворю́ся хра́м одушевле́н и Ма́терь Чи́стая Жи́зни”. Егда́ же по моли́тве се́й изрекла́ еси́ из смире́ннаго се́рдца Твоего́: “Се́ Раба́ Госпо́дня, бу́ди Ми́ по глаго́лу твоёму́, да вселится́ Бо́г в Мя́”, вся Небе́сныя Си́лы просла́виша Бо́га, ви́дяще, я́ко гото́во се́рдце Твое́ к прия́тию Божéственному, и со стра́хом и с ра́достью воспéша Ему́: Аллилу́иа.

И́кос 9.

Вити́я Божéственный Святы́й Арха́нгел Гаври́ил бы́сть в стра́се и в молча́нии глубóцем и прекрати́ глаго́лы своя́, егда́, Пресвята́я Де́во, Ты́ изрекла́ еси́ смире́нное сло́во Своё: “Се́ раба́ Госпо́дня, бу́ди Ми́ по глаго́лу твоёму́”. В нача́ле мирска́го быти́я творческим сло́вом сйм: “да бу́дет”, Творце́м изрече́нным, создана́ бы́ша всяческая ви́димая и неви́димая. Ны́не же сло́во сиé, Де́вою изрече́нное, низведе́ Творца́ тва́ри в ми́р се́й и та́ко открыва́ется днёсь е́же от ве́ка та́инство вели́кое: Сы́н Бо́жий Сы́н Де́вы быва́ет, да бо́га Ада́ма соде́лает. Соприсносу́щное Сло́во О́тчее, не разлучи́вся от го́рных, сниде́ на зе́млю и бы́сть Пло́ть и всели́ся в ны́, неизрече́нно исто́щается и во Утробу́ Деви́чу вселя́ется. Да ра́дуется у́бо не́бо и земля́ и со Арха́нгелом да поёт Пречи́стей Де́ве си́це:

Ра́дуйся, Не́бо земно́е, до го́рных высóт смире́нным ду́хом возше́дшее; ра́дуйся, Селе́ние Небе́сное, Сло́во Бо́жие неизрече́нно вме́тившее.

Ра́дуйся, Благословéнная, зача́тие Превéчнаго Бо́га нетле́нно приéмшая; ра́дуйся, Благода́тная, Черто́г Де́вства Твоего́ в зача́тии Еди́на сохрани́шая.

Ра́дуйся, Чи́стая Де́во, естества́ уста́вы в боговопло́щении пресла́вно победив́шая; ра́дуйся, Богоневéсто, естество́ А́нгельское в благовещении́ Твоём предивно́ возвесели́вшая.

Ра́дуйся, Благода́тная, Госпо́дь с Тобо́ю.

Конда́к 10.

Спасти́ хотя́й ми́р, Человеколюбец Госпо́дь снѣде, яко до́ждь на руно́ в Пречи́стую утробу Твою́, о Богома́ти, и а́бие неизрече́нным найтием Свята́го Ду́ха соде́ся недове́домое зача́тие и Преве́чное Сло́во Бо́жие Плоть бы́сть и всели́ся в Тя́, восприя́в Ю́ от Пречи́стых крове́й Твои́х без услажде́ния плотска́го, но не без услажде́ния духо́внаго: тогда́ бо Девическое се́рдце Твое́ божественным испо́лнися жела́нием и ду́х Тво́й горя́ще пла́менем Серафѣмския любви́, ум же ве́сь, а́ки вне Себе́ бы́в, в Бо́зе углубля́шеся. И тако́ услажда́ясь неизрече́ннаго Боголю́бия сегó и умна́го Боговиде́ния, Ты́ поклонѣ́лася еси́ Воплоща́емому от Тебе́ Го́споду Твоему́ и ра́достно воспѣ́ла еси́ Ему́: Аллилу́иа.

И́кос 10.

Стена́ еси́ де́вам, Богороди́це Де́во, и́бо де́вственно от Ду́ха Свята́ зачала́ еси́ Предвѣ́чнаго Бо́га и Де́ва пребыла́ еси́ и тако́ Ё́ву от дрѣвния печа́ли свободѣ́ла еси́. Дне́сь — ра́дость Благовѣ́щения, де́вственное торже́ство и та́инство вели́ко, нача́ло на́шего спасе́ния. Дне́сь веселѣ́тся не́бо и ра́дуется землѣ́. Сегó ра́ди вели́кий Гавриѣ́л пе́рвый от все́я тва́ри, разумѣ́в ду́хом вели́кое боговоплоще́ния та́инство, поклонѣ́ся со стра́хом ве́лиим вопло́щемуся в девѣ́чей утробе́ Спа́су ми́ра и вопло́щшую Пречи́стую Де́ву почти́ подоба́ющим поклонѣ́нием, яко́ Цари́цу не́ба и землѣ́, и с благоговѣ́нием ве́лиим воспѣ́ Ё́й така́вая:

Ра́дуйся, высóкаго та́инства Воплоще́ния Бо́жия пречу́дное соверше́ние; ра́дуйся, неизрече́ннаго составле́ния Плóти Христóвой пресла́вное явле́ние.

Ра́дуйся, черто́же безсе́меннаго уневе́щения, в Нѣмже Творе́ц все́го ми́ра дне́сь вместѣ́ся; ра́дуйся, Ковче́же Божественна́го Воплоще́ния, Имже ра́дость ве́лия все́й вселѣ́нней ны́не дарова́ся.

Ра́дуйся, Деви́це, Боготка́нную порфи́ру от Пречи́стыя Плóти Твое́я Сло́ву Бо́жию истка́вшая; ра́дуйся, Отрокови́це, нетле́нную багря́ницу от де́вственных крове́й Твои́х А́гнцу Бо́жию взаимода́вшая.

Ра́дуйся, Благода́тная, Госпо́дь с Тобо́ю.

Кондак 11.

Пѣние всеумилѣнное принесла еси, Пречистая, егда по отшествии Архангелове посетила еси праведную Елисавету южицу Твою и возвестила ей радость Благовѣщения, в веселии дѹха, глаголюще: “Величит душа Моя Господа и возрадовася дѹх Мой о Бозе Спасе Моѣм. Яко призре на смирение Рабы Своея, се бо отныне ублажат Мя вси роди”. Сие посещение Твое возвесели праведную Елисавету и разыграся от радости младенец Иоанн во чреве ея, и исполнися Дѹха Свята Елисавет, и рече: “Откуда мне сие, да прииде Мати Господа Моего ко мне”. Да разыграется ныне и наш дѹх, ощущаючи в день Благовѣщения Твоего радость посещения Твоего. Сего ради с Елисаветою возопиѣм Тебѣ: “Благословена Ты в женах и Благословен Плод чрева Твоего”, Ему же выну да поѣм вси: Аллилуиа.

Икос 11.

Свѣт велий и Божественный возсия в души Твоей, Пречистая, егда по гласу Архангела Дѹх Святыи сниде на Тя и Сила Вышняго осени Тя и егда абие зачала еси в Богоблагодатней дѣвственной утробѣ Своей Творца свѣтов, Егоже свѣт во тьмѣ свѣтит и тьма его не объят. Той просвети Тя, яко солнце, свѣтом Божества Своего, Всю прослави и обожѣ, сего ради “сияет доброта Твоя, блистает чистоты Твоея свѣтлость, якоже предрече о Тебѣ в Пѣснях Дѹх Святыи: “Вся добра еси, ближняя Моя, и порока несть в Тебѣ”. Вся Избранна, Вся Преукрашена явилася еси, Юже Бог возлюбѣ, Вся Чистая и Божественный Славы исполненна. Сим Божественным Твоим Свѣтом просвещаемии, да воспоим Тя и мы в пѣснях, яко Матерь Свѣта сице:

Радуйся, Свещѣ Божественнаго Свѣта, Свѣт Невечерний в утробѣ Твоей понѣсшая;
радуйся, Лучѣ Умнаго Солнца, весь мир свѣтом Лица Божия просветившая.

Радуйся, Небесный Светильниче, на свѣщнице земномъ всей вселенной возжженный;
радуйся, Живоносный Источниче, благодатию Дѹха Святаго преизобильно орошенный.

Радуйся, Светоносная Дѣво, Еяже ради свѣт Боговѣдения днесъ нам всемъ возсия;
радуйся, Избранная Богоневѣсто, Еюже ныне радость неизреченная весь мир облистала.

Радуйся, Благодатная, Господь с Тобою.

Конда́к 12.

Благода́ть Божественная и ра́дость ве́лия процветé днёсь все́му ми́ру, Пречи́стая, в светно́сный де́нь Благовéщения Твоего́, я́ко Тебе́ ра́ди в де́нь о́н дрéвняя печа́ль преста́ и нача́ло спасéния чело́век положе́ся: Сын Бо́жий, Сын Дéвы яви́ся и земля́ Ёвы ра́ди прокля́та б́вшая, Тобо́ю, Дéво, днёсь па́ки благослови́ся. Херув́им от дрéва жи́зни отступáет и врата́ ра́йския ве́рным днёсь па́ки отверза́ются, ми́р же ве́сь испо́лнися ра́дости, отне́леже вели́кий Гаври́ил е́же ра́дуйся Тебе́, Дéво, свы́ше возгласи́. Сего́ ра́ди небеса́ у́бо досто́йно днёсь да веселя́тся, земля́ же да ра́дуется, вся́кое же дыха́ние и тва́рь да пою́т о Тебе́ Бо́гу: Аллилу́иа.

Ў́кос 12.

Пою́ще всера́достное от Арха́нгела Благовéщение Твое́, Богоро́дице, восхваля́ем вси́ стра́шное, пресла́вное и ве́лие та́инство чи́стаго и де́вственнаго от Ду́ха Свята́го зача́тия Твоего́, покланя́емся нетле́нно зача́тому от Тебе́ Сы́ну Твоему́ Христу́ Бо́гу на́шему и от все́го се́рдца ве́руем и испове́дуем, я́ко и в Божественном зача́тии и по Рожде́ствé Твое́м Ты́ пребыла́ еси́ Присноде́ва. Сего́ ра́ди с Гаври́илом принесём Тебе́ сицевы́й Арха́нгельский гла́с:

Ра́дуйся, Благода́тная, облече́нная в Со́лнце, сия́ющая благода́тию и сла́вою все́й вселе́нней; ра́дуйся, Благослове́нная, от восто́к со́лнца до за́пад препе́тая и превозно́симая по все́й поднебе́сней.

Ра́дуйся, А́нгельское вели́кое удивле́ние, Гаври́ила красо́тою де́вства Своего́ удивив́шая; ра́дуйся, все́му ми́ру благо́е весе́лие, па́дшия лю́ди ра́достью Благовéщения Твоего́ возвесели́вшая.

Ра́дуйся, смире́нная Раба́ Господня́, высотóю смире́ния Своего́ Бо́га на зéмлю низвeдшая; ра́дуйся, Милосе́рдная Ма́ти Бо́га Вы́шняго, Ма́терним заступле́нием Свои́м мно́гие грéшники ко Христу́ привeдшая.

Ра́дуйся, Благода́тная, Господь с Тобо́ю.

Конда́к 13.

О, Всепета́я Паракли́та Невесто́, Чистая бра́ка не позна́вшая Де́во! Арха́нгела красото́ю Девства́ удивившая и Бо́гу Сло́ву Пло́ть нетле́нно днесь взаимода́вшая, ны́нешняя на́ша прие́мши приноше́ния о всера́достном от Гаври́ила благове́щении Твоём, Христу́ Бо́гу обруче́нные в де́встве сохрани́, все́х же в чистоте́ укрепи́ и от бе́д изба́ви, да свобо́дшися Тобо́ю от ве́чных му́к, Тобо́ю ра́й да обря́щем, иде́же все́ да воспоём о Тебе́ Бо́гу: Аллилу́иа.

Этот конда́к читается трижды, затем и́кос 1-й и конда́к 1-й.

И́кос 1.

Арха́нгел Гаври́ил предсто́й Престо́лу Бо́жию вѣну зри́т непристу́пную Божество́нную Сла́ву, егда́ же прии́де вре́мя изба́вления челове́ков, прия́ повеле́ние Господне́: Буди служи́тель стра́шному чудеси́ и та́инству сокрове́нному: милосе́рдием Мо́им подвѣ́гся ко взыска́нию заблуждша́го Ада́ма, снѣти тѣ́снѣ. Гряди́ убо́ во град Наза́рѣт, в не́мже отрокови́ца Мари́я обита́ет, да прелюбе́зную красоту́ де́вства у́зриши. Гряди́ к сему́ одушевле́нному Бо́жию Киво́ту, ко второ́му Небеси́ на земли́ су́щему. Иди́ к Се́й Оби́тели Воплоще́ния Мо́его и возвести́ нетле́нное Моё́ от Нея́ прише́ствие. Блуди́ же, да не смути́ши и да не устраши́ши ду́шу Де́вы, да в ра́дости бу́дет, а не в печа́ли благове́стие твоё́. Сего́ ра́ди приступи́ к Не́й кро́тко и пе́рвый глас тво́й ра́дость Ё́й да принесѣ́т, и да возопи́еши Ё́й си́це:

Ра́дуйся, Благода́тная, Ё́юже ра́дость возсия́ет; ра́дуйся, Обра́дованная, Ё́юже кля́тва исче́знет.

Ра́дуйся, Благослове́нная, Ё́юже все́ тва́рь обновля́ется; ра́дуйся, Препросла́вленная, Ё́юже ве́сь ми́р спаса́ется.

Ра́дуйся, Богоизбра́нная Отрокови́це, па́дшаго Ада́ма воззва́ние; ра́дуйся, Пренепоро́чная Де́во, слѣ́з Ё́виных изба́вление.

Ра́дуйся, Благода́тная, Господь с Тобо́ю.

Конда́к 1.

Изра́нной в предвѣ́чном Со́вете Богоотрокови́це Мари́и, послужи́ти ве́лию та́инству боговоплоще́ния, сия́ющей де́вственней чистото́ю па́че вы́сших небе́сных чистоты́, благоговѣ́йныя пѣ́ния принесѣ́м Тебе́, Богоро́дице, о всера́достном от Арха́нгела благове́щении Твоём. Ты́ же, я́ко обра́дованная и ра́дость па́дшим лю́дем подати́ могу́щая, изба́ви на́с от вся́ких бе́д и грехо́вныя печа́ли, и возведи́ на́с к небе́сней ра́дости, да с Гаври́илом вопи́ем Тебе́:

Ра́дуйся, Благода́тная, Господь с Тобо́ю.

Моли́тва пе́рвая.

Приими́, Всеблагомощная, Пречистая Госпоже́ Влады́чице Богороди́тельнице, сия́ честны́я да́ры, Тебе́ еди́ной прикла́дныя от на́с, недостойных рабо́в Твои́х, от все́х родо́в избра́нная, все́х тва́рей небе́сных и земны́х вы́шшая явля́ющаяся. Поне́же бо Тебе́ ра́ди бы́сть Госпо́дь си́л с на́ми, и Тобо́ю Сы́на Бо́жия позна́хом, и сподо́бихомся Свята́го Те́ла Его́ и Пречи́стыя Кро́ве Его́. Те́мже блаже́нна еси́ в ро́дех родо́в, Богоблаже́нная, Херуви́мов светле́йши и Серафи́мов честне́йши су́щая. И ны́не, Всепе́тая Пресвята́я Богоро́дице, не преста́й моля́щися о на́с, недостойных рабе́х Твои́х, е́же изба́виться на́м от вся́каго сове́та лука́ваго и от вся́каго обстоя́ния: и сохра́нися на́м неврежде́нным от вся́каго ядови́таго прило́га дяво́льскаго. Но да́же до конца́ моли́твами Твои́ми неосу́жденных на́с соблюди́: я́ко да Твои́м заступле́нием и по́мощию спаса́еми, сла́ву, хвалу́, благодаре́ние и поклоне́ние за вся́ в Тро́ице Еди́ному Бо́гу и все́х Созда́телю возсыла́ем, ны́не и при́сно и во ве́ки веко́в. Ами́нь.

Молітва вторая.

К Тебѣ, Пречістей Божіей Матери, аз окаянный, припадаю, молюся: виждь, Царице, яко безпрестанно согрешаю и прогневляю Сына Твоего и Бога моего. И многожды аще каюся, ложь пред Богом обретаюся, и каюся трепеща, да не како поразит мя Господь, и по часе мале паки таяжде творю. Сия ведущи, Владычице моя, Пресвятая Богородице, почто не помилуеши, почто не укрепши мя, и чего ради не подаси ми всегда благая творити? Веси убо, о Владычице, яко отнюдь имам в ненависти злая моя дела и всею мыслию люблю закон Бога моего. Но не вем, Госпоже Пречистая, откуда яже ненавижду, тая творю, и сей преступаю. Но не поущай, Пресвятая, воли моей совершатися, неподобна бо есть, но да будет во мне воля Сына Твоего и Бога моего, да мя спасет, и вразумит, и подаст ми благодать Святаго Духа, дабы аз отныне престал сквернодействовать, и прочее бых пожил в повелениях Сына Твоего, Господа нашего Иисуса Христа, Емуже подобает всякая слава, честь, поклонение и велеление со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.

Молітва трэтья.

О, Пресвятая, Богоизбранная Деве, Святаго Утешителя Духа Всенепорочная Невесто, Пребожественнаго же Отца Небеснаго Дщерь Превожденная, посреде терния мира сего Тем обретенная, яко крин пресветлый добротою девства блистающийся, да Сыну Божию Чистая Матерь Неискусобрачная будеши! Что убо воздадим Тебе в пресветлый день сей Благовещения, вонже Архангела Гавриила красотою безмернаго девства Своего удивила еси и от того неизреченное обрадование восприяла еси? Что принесем Тебе за вся утешения Твоя, имже возвеселила еси в день сей весь мир видимый и невидимый, наипаче же падший древле род человек? Днесь спасения нашего начало и еже от века таинства явление: ныне убо Слово Божие тихо сниде с небес, яко капля каплющая на землю, и вселися в Твою Богоблагодатную Девственную утробу и бысть Плоть спасения нашего ради. Сего ради днесь Ангели ликуют на небесах и вся тварь веселится и радуется, празднующе начало освобождения своего от работы истления в свободу славы чад Божиих. Ныне радуется женское естество, Евы ради падшее, та бо повинувшись змию печаль роди женам и неудержанно введе смерть. Ты же, Деве, разрешила еси от горькия работы весь род человек и свободою Христовою естество женское почтила еси, зане девством чистым паки истинную жизнь ввела еси, и сего ради жены, девство держаще, врага яве побеждать начинают. Ныне Адам ликует, видев, яко в пресветлый день сей исполнися на Тебе первое райское благовестие, яко семя Жены сотрет главу змия. С нимже ликовствует ныне весь род человек, понеже Тобою, Пречистая, упразднися днесь древнее отвращение Божие к человеку, Бога бо паки привела еси к нам. Сего ради зрим Тя ныне, якоже древле Иаков, яко Лествицу Высокую, Еюже сниде Бог на землю и яко Мост пречуден, имже сущих от земли паки возводиши на небо. Что воздадим Тебе, Царице неба и земли, за вся сия, имже радость несказанную подала еси падшим и заблуждшим людем Твоим? Вся наши жертвы и приношения ничтоже суть пред величеством благодеяний Твоих. Единое точию угодно Тебе: “сердце сокрушенно и смиренно”, егоже и Сын Твой и Господь наш “не унижит”. Сего ради молим Тя: исполни нас от превосходящая высоты смирения Своего елика вместити возможем, да принесем Ти во всесвятый день Благовещения Твоего Твоя от Твоих, во еже во всяцем деле блаже не мыслити высокая, но быну в смирении духа пребывать. Сею первейшею добродетелию украшени, в пресветлый день сего праздника Твоего в кротости и чистоте сердца со Архангелом Гавриилом возопием тебе: Радуйся, Благодатная, Радуйся, Обрадованная, Радуйся, Преблагословенная, Господь с Тобою и Тобою с нами во веки веков. Аминь.